



Uc 9430

4^o

AD PRINCIPALEM FUNERATIONEM,
PERENNATURÆ MEMORIÆ,
ILLUSTRISSIMI AC CELSISSIMI
PRINCIPIS AC DOMINI,

**DNIBOGUSLAI
RADZIVILII,**

BIRSARUM, DUBINCORUM, NECNON
SLUCIÆ ET KOPYLI

DUCIS,

SACRI ROMANI IMPERII

PRINCIPIS,

NEVELIÆ ET SEBISIÆ

COMITIS,

MAGNIDUCATUS LITHVANIÆ

SUPREMI STABVLO PRÆFECTI.

SERENISSIMI ELCTOR. BRANDENB.

IN DUCATU EJUS PRUSSIÆ

LOCVM TENENTIS,

BARI, BRANSCI AC POSSERVIENTARUM

GVBERNATORIS.

AD DIEM VI. MAJI INSTITUENDAM,

QVIN ET

AD AUDIENDAM SOLENNEM PANEGYRIM,

AB ORATORE SUO,

DIE HAC SEPTIMANA JOVIS

IN AUDITORIO MAJORI HORA IX. HABENDAM,

DOMINOS, MÆCENATES, FAUTORES, AMICOS,

AC CIVES SUOS INVITAT

RECTOR ET SENATUS

ACADEMIÆ REGIOMONTANÆ.



REGIOMONTI, PRÆLO REUSNERIANO.



Taq; lamentabe-

re calamitosa & afflicta BO-
 RUSSIA, dum MAGNUS HEROS
 ILLUSTRISSIMUS AC CELSISSI-
 MUS PRINCEPS AC DOMINUS
 DOMINUS BOGUSLAUS RAD-
 ZIVILIUS, BIRSARUM, DUBINCORUM, SLUCIÆ
 ET KOPYLI DUX, SACRI ROMANI IMPERII
 PRINCEPS, NEVELIÆ ET SEBESII COMES,
 MAGNI DUCATUS LITHVANIÆ SUPREMUS
 STABULO PRÆFECTUS. SERENISSIMI ELE-
 CTOR. BRANDENB. IN DUCATU EJUS PRUS-
 SIÆ LOCUM TENENS BARI, BRANSCI AC
 POSCHERVIENTORUM GUBERNATOR
 MAGNIFICENTISSIMUS, casu prorsus inopinato
 ruit subitâq; prosternitur morte. Etenim si Divinum
 Numen, extremam provinciis interminaturum perni-
 ciem atq; Ruinam, inter sacra oracula dixit: Se Bellato-
 res, Fortes, Potentes, Consiliarios, prius prærepturum,
 quid tibi miseræ expectandum cum in uno HEROE
 RADZIVILIO & Bellatorem Mavortium & Consilia-
 rium tuum Prudentissimum, Et Sagum & Togam unâ
 perdidisse videris? siue enim oculos Flectis in Bellicum
 Tui Gubernatoris munus? prodigiosâ illud Fortitudi-
 nis suæ Magnitudine, inter frementium armorum tu-
 multus, micantium gladiorum stricuras, fulgurantium
 ensium strepitus, per obstantes toties hostium catervas,
 per ipsas orbis subjugum suum cadentis ruinas; Victis
 hostibus, ablatiis signis, extortis manubiis, exutis castris,
 evexit, atq; immensa gestorum gloria livoris oculos per-
 strinxit vel amantes recreavit. Respicias ferventem in Se-
 natoriâ

natoriâ purpurâ consiliis? hâc imprimis rerum tuarum
 intricatissimarum conditione, *quam ipse* (largiatur mihi
 sua verba Magnificus Panegyristes) *insolita quâdam in*
consiliis dandis & enucleandis dexteritate, in tot perplexis
regni negotiis, in perniciosis rerum hominumq; casibus; atq;
ipsius status sæpe incertis eventis erexit; atq; magnæ mentis
capacitate multa in omnibus, domi forisque, Bello Paceq;
non absq; hostium terrore, & suorum admiratione complexus
est. Itaq; deficiis OPRUSSIA! Strenuâ de præliantis manu,
 atq; lynceo prorsus & perspicacissimo dubiorum even-
 tum oculo privata, his momentis, ubi si unquâ alias &
 in armis esse & in maturis consultationib⁹ intricatissima
 fata te monent, Scævum terris omen est si syderum Prin-
 cipes luridis Eclipsium, umbris involvantur atq; benefi-
 cam lucē sublunari Theatro subducant: neque quicquâ
 boni in publicum bonum augurantur, tantorum He-
 roum repentini occasus & mortes insperatæ. Quare non
 tu solum BORUSSIA, memoriam jacturæ incompara-
 bilis moestissima voce Comitatis, sed mutarunt Trabea-
 tum suum splendorem atq; serenius paludamentum,
 in fuscas pallas pannosasq; vestes atq; pallia, Tot Reges,
 Principes, Duces, R. publicæ: Ingemuit Serenissimus
 Polonorum Rex, atq; tantum & vel præcipuum sui cor-
 poris membrum amputatum atq; præcisum dolet:
 Defluxit inter Lacrymas AULA BRANDENBURGI-
 CA, atq; afficitur Vehementissimè, SERENISSIMUS
 ELECTOR, MAGNUS FRIDERIGUS WILHEL-
 MUS Tanto nunc tamq; Fidelissimo suo Gubernatore
 & alterâ ferè in rebus bellicis manu privatus: Universa
 lugeat POLONIA, Illachrymatur BORUSSIA, subditi de-
 votissimi tot longè lateq; patentium ditionum, Heroi
 nostro subjectarum, inter planctus, inter ejulatus atq;
 lamenta personare conspiciuntur. Sed nihil profici-
 mus

mus universi ploratibus, non emolliunt adamantina.
Fatorum decreta lacrymæ, nec reviviscet in hoc orbe
HEROS sive ipsam vitam in luctum impendamus. Ergo
Muliebribus positis lamentis, id agamus potius ut no-
vislimo Coeli Candidato, inter nos suum decus, suum Ho-
norem suam Gloriam sua præconia in ipsa seculorum
profunditate Musarum ope, quæ dignum laude virum
mori vetant conservemus. Atq; ferè, ne lugere quidem
deceret, quando tanti HEROIS gloriosè gesta atq; ingen-
tia meritorum decora, recentem retinent ex primuntq;
jubilorum sensum & præbent materiam: atq; indeco-
rum ubi BOGUSLAUS RADZIVILIUS immortalis
est, eo lacrymas & querelas intrudere mortalitatis. Intulit
suam virtutum lucem atq; jubar gloriosis gestis plenissi-
mum Coelo: sed nostrum est & in terris illa decora suspi-
cere, atq; cum inter sydera perennet, emoliri, ut in poste-
riorum etiam conscientia seriq; orbis memoriâ æternet.
Juvata autem Nascentis HEROIS cunas & ortum scrutari
altius. Natale illi Solum Fata destinaverant BORUSSI-
AM ut commodè inde suum Illustre depositum repete-
rent. Fundus Terræ admodum fecundus, dædalis
mercibus, quâ importandis qua exportandis ex oppor-
tunitate & subditorum commodis sita atq; toto terra-
rum orbe Clarissima: atq; ubi ut ex Sulmonensi Poeta
hæc mutuemus,

Fluant lacrymæ, stillatq; Sole rigescant

Deramis electra nobis, quæ lucidus amnis

Excipiens, nuribus mittat gestanda latinis

Quæ cum non levis sint momenti, illud magnopore
commendandum quod præclarissimorum semper in-
geniorum fuerit feracissima, quæ cum aliarum omni-
um artium capacissima fuerint; tum sub utrâq; Pallade
armatâ & togatâ, memoranda fecerint stipendia. Est in
câ,

ea, quæ Regalis est Metropolis, GEDANUM Civitas
opulentissima, Emporium Florentissimum, inibi in hanc
mundi scenam, in qua principalem deinceps personam
decenter sustineret est ingressus. Mensis erat totius anni
formosissimus quem Majum appellamus: jam sudabat
nivalis pindivertex jam Riphæum gelu per montium
rivulos defluebat, spirabant Favonii mulcebant roriferis
auris prata herbescebant campi in flores novos umbro-
sæ induebantur arbores, undiquaq; ridebat tellus amœ-
nitate: *quasi ipsa universa natura ubiq; sapiens ac justa alu-
mno elegantissimi ingenii, eleganti quoq; tempestate obste-
tricarivellat* atq; orbi præmonstrare, quo virtutum flore
eum esset nobilitatura, quem vernas inter florum deli-
cias excusisset; Dies affulserat in hoc mense tertia,
quæ eadem est, quâ Principis Pacis largissimâ indulgen-
tiâ Anno 1660. Pax inter Poloniae & Sveciæ Reges atq;
Potentissimum Electorem Brandenburgicum est con-
stituta. Fortasse ut maturè indicaret non minimum labo-
raturum olim Magnum HEROEM in Pacis negotio, in
tranquillandis rebus nostris atq; effecturum ut remisso
armorum studio sacros Paci ramos oleæ dissidui Princi-
pis amplecterentur. Sed hujusmodi alia quæ ad natalem
diem, locum tempus pertinent non expendemus curio-
sius, quod quidem decoris aliquid afferre videantur, ut
tamen fere communia sint deterrimis cum optimis, in-
fimis juxta ac summis ex cœcâ sorte, paria. Quare con-
sectabimur nunc ea per immunerabilem HEROIS no-
stri laudum copiam, quæ magis illi propria videbuntur;
sed strictim persequemur omnia, masculam singulorum
amplificationem, Oratori nostro, effusuro se in HEROIS
nostri præconiorum mare relicturi. Primum ergo locum
fors atq; Conditio nascendi sibi vendicat, quæ HEROI
nostro, sive PATERNAM, sive MATERNAM,
IMODI B &

& in illis tot Principum, tot Regum atavorum seriem
spectes Illustrissima contigit.

PARENS ILLI FUIT CELSISSIMUS ATQVE
ILLUSTRISSIMVS TOGA SAGOq; CLARISSIMVS
PRINCEPS, JANVSSIUS RADZIVILIVS CA-
STELLANVS VILNENSIS HEROS MAVORTIÆ
INDOLIS ATQVE PATRATIS BELLICIS PER-
PLVRES ORBIS PARTES CELEBRATISSIMVS.
Etenim admirabili sua fortitudine, quam tot documen-
tis & gloriose gestis, inter diversas occasiones bellicas, &
sangvineâ praelia demonstravit, penetravit se in familia-
ritatem HENRICI QVARTI, Galliarum Regis quem
Seculi illius Martem merito orbis suspexit. Abiturus
ex Gallia admiscuit sua arma feliciter ARCHIDVCI
AVSTRIÆ, Cruentis interfuit praeliis in HVNGARIA,
atq; cum primis ad BVDAM, quantus & animo & manu
HEROS esset ostendit. Patriæ Libertatis erat studiosis-
simus cuius cum jugulum male svadentium suggestu &
insuluratione peti videret Magnanimus Heros militem
conscripsit, bellum intulit, arma explicuit, non ita con-
tra Regem, cuiuserat observantissimus, sed pro libertate,
pro legibus pro Privilegiis, pro quibus qui sanguinis non
est prodigus, prodigus est suæ salutis atq; incolumitatis.
Quod altius secum reputans Rex, ex æquisimis se de-
inceps illi reconciliari passus est conditionibus. VXOR
ejus prima fuit SOPHIA, DVCISSA DE SLVCKO,
quæ Amplissimas Mariti Possessiones Ducatu SLV-
CENSI ET KOPYLENSI exauxit; qua fati functa in
Matrimonium sibi locavit SERENISSIMAM ATQVE
POTENTISSIMAM PRINCIPEM AC DOMINAM,
DOMINAM ELISABETHAM SOPHIAM, SERE-
NISSIMI ATQVE POTENTISSIMI PRINCIPIS
ATQVE ELECTORIS BRANDENBVRGICI,
DOMI-

DOMINI JOHANNIS GEORGII FILIAM, ex quâ
Filios duos JOHANNEM GEORGIUM & BOGU-
SLAVM, totidemq; Filias ELISABETHAM SOPHI-
AM ET SOPHIAM AGNETEM suscepit, qui tamen
omnes maturâ occupati morte, Vnico BOGVSLAO
Paternarum Virtutum, Maternæq; gloriæ ac possesio-
num utriusq; capacissimo Hæredē, inter vivos relicto.

Avum numerat CELSISSIMUM ATQVE IL-
LUSTRISSIMUM PRINCIPEM AC DOMINUM,
DOMINVM CHRISTOPHORVM DVCEM IN BIR-
ZE ET DUBINKI PRINCIPEM bello paceq; inclutum.
Magnanimis ille Heros ausus est congregi cum Jwanno,
Magno Muscoviæ Duce, illo orbis terriculamento, eâ fe-
licitate ut eum ex munitissimâ arce Staricâ pulsum, cum
ignominia cum numerosissimo 40 Millium exercitu
pedem referre atq; fugitivo similiorem in Moscoviam re-
venire adigeret. Pari & animo ac invicto corporis robore
triumphantiq; dexterâ Carolum Sudermannum altissi-
ma spirantem, evertit, turbavit, profligavit. Ille fuit qui
plurimis Regni proceribus Electionem Sigismundi Ter-
tii Poloniæ Regis ex Consilio impedituris masculam
frontem aciem & ferrum nisi suffragia pro destinato sibi
Rege ferrent opposuit & solus ut Regale conscenderet so-
lium effecit. Vxorem habuit ILLUSTRISSIMAM CA-
THARINAM DVCISSAM de OSTROG.

Vocat nos MAGNI nostri BOGUSLAI PRO-
AVUS, CELSISSIMUS ET ILLUSTRISSIMVS
PRINCEPS AC DOMINVS, DOMINVS NICOLAVS
RADZIVILIUS, PALATINUS VILNENSIS AC
M.D.L. EXERCITVVM PRÆFECTVS GENERA-
LIS cognomento Ruffus, qui in Comitibus Augustanis
Anno 1548 sua Virtute à Carolo V. Romanorum Cæ-
sare invictissimo una cum patruelibus suis, NICOLAO

Nigroejusdemq; Fratre germano impetrarunt, ut inter
Principes Romani Imperii adnumeratus Ducis in
Birſe & Dubinki nomine inſigniretur: unde ablata Du-
cum in Goniadz & Metelle RADZIVILIORUM lineâ,
Birzenſe ſtemma originem habet. Quare ut iret in fa-
mam atq; rumorem novum proſapiæ RADZIVILIA-
NUM decus, prope Courlandiæ confinia famoſiſſimum
fortalitium Birce excitavit. Sed & porro ex re ſibi novum
hunc honorem collatum eſſe & deberi Magnanimus
Dux factis commonſtravit. Quippe vaſtantibus omnia
longè lateq; Moſcis, ipſe parva manu ſeptem geſtans Mi-
litum millia numeroſiſſimum hoſtem 40 Millia ſupe-
rantem adortus eſt, pugnavit ſtrenue, conſligendo con-
ſlitit, coactoque omni quamvis parvo robore, in hoſtile
ut impetum fecit ita turbavit vaſtiſſimum corpus, diſje-
cit, proſtravit atq; in cruento illo prælio victor, ſaſtuo-
ſum Ducens Suiſcium interfecit. Adeo non numerus, ſed
virtus pignus eſt Victoriæ. Triumphato Muſcoviæ
Duce, atq; jam Magnus Regni Conſiliarius, non ſubſti-
tit in Conſiliis pro amplificandâ Patriæ finibus inſtrictus,
ſed ex ære ſuo, coactum militem ter in Livoniam Duxit
& quamvis inibi fortuna belli vices variaret, Victor ta-
men ille adverſantis fortunæ & hoſtium Rigam expu-
gnavit. Intererat ſtrenuâ manu Nicolaus Niger, qui Mar-
chionem Albertum Rigenſem ArchiEpiscopum Ordinisq;
Teutonici Magnum Magiſtrum Gothardum Kett-
lerum pinguem ex victoria prædam captivos duxit: ſed
Regi tradidit atq; deinceps in pleno purpuratorum Se-
natorum Concilio Sigillum Ordinis Teutonici atq;
Magnâ crucem, quam à Collo Magiſter geſtaverat, Regi
inſinuavit. Sint illi Conſilarii, qui non media otioſi
commiſcuntur, ſed & exequuntur, non præpeditos
evenuum Meandros reſolvunt, ſed gladio ſecant nodos,
non

non calamo ſed armis agunt, efficiunt emoluntur. Tales
ex Nicolais habetis. Sed quid glorioſè geſta ſine pietatè?
Ejus ut ſe amatorem atq; incorruptum ſui Numinis
Cultorem oſtenderet, exivit cimmeriâ nocte, in Apri-
cum reſplendelcentis Lucis Evangelicæ ſe contulit atq;
non diu purioris fidei profeſſionis radios per univerſam
Poloniam atq; Litphaniam circumtulit. In Matrimonio
habuit ILLUSTRISSIMAM ELISABETHAM DU-
CIS IN HOLSAN Filiam.

Properamus pro ratione programmatæ, nec enim
Hiſtoriam tot Heroum ſcribimus, ad ABAVUM MA-
GNI BOGUSLAI CELSISSIMUM ATQVE EX-
CELLENTISSIMUM PRINCIPEM AC DOMI-
NUM, DOMINUM GEORGIUM RADZIVILIUM
CASTELLANUM VILNENSEM & GENERA-
LEM EXERCITUM M.D.L.PRÆFECTUM. An-
nales à nobis condendi eſſent, ſi documenta ſtupendæ
illius Fortitudinis atq; felicitatis bellicæ ſingula, excu-
tere vellemus. Stupor ille cum primis fuit Moſcoviæ
Duci, Schytis Crucigeris, cum quibus in conflictu con-
greſſus quacunq; in cedere viſus, victoriam in manibus
geſtabat: Admirabilis, fuit in bello, adeo ut ultra quam
triginta præliis cum numeroſis hoſtibus commiſſus,
victor ſemper in ſumanti Cæſorum ſanguine ere-
xerit tropæa. Meruit ſua Virtute ut in deliciis habe-
retur ab Sigismundo Auguſto Polonorum Rege qui
Radziviliani ſanguinis atq; Virtutis tantum fecit æſti-
mum ut legitimis ſuis atq; Regalibus thalamis inferret
Filiam ejus Barbaram eamq; ad Regiam Dignitatem ſo-
lenni Coronatione Cracoviæ, Magnificentiffime pera-
cta, intromitteret. Ita Regius Radziviliorum ſanguis Re-
gale ſolium nactus, de Livore & invidia triumphavit.
Habuit ille Conjugem BARBARAMEX ILLUSTRIS-
C SIMA

SIMA COLLORUM FAMILIAM PALATINI RUS-
SIÆ FILIAM.

ATAVUM in ILLUSTRISSIMA PROSAPIA
habuit CELSISSIMUM ET ILLUSTRISSIMUM
NICOLAUM, COGNOMENTO SENEM, ob
grandævam quam indeptus est ætatem. Sedit ille inter
Cumulatissimos honores atq; in Patria præcipuos. Pri-
mus ille Moscovitarum more Woiwoda seu Palati-
nus nuncupatus est, atq; bello inclytus, meruit Genera-
lis Exercituum M.D.L. præfecturam. In Matrimonio
habuit MONVIDII MAGNI DUCIS LITPHANIÆ
FILIAM, VLADISLAI JAGELLONIS CONSO-
BRINAM. Licuit illi per fatorum Indulgentiam 4. Regi-
bus ex ordine inservire, qui quoq; in ornando Venera-
bili illo Seniore beneficiis hinc inde eumulatis concer-
tarunt. Ex omni quâ fructus est fortunâ, hoc inter præci-
puas numerandum partes, quod Filios quatuor, pari o-
mnes indolis magnitudine atq; Virtute non adulescere
tantum feliciter vidit sed & omnes Collegas in Magno
Senatu habuit. Sed & sequioris sexus duas elocavit felici-
ter, alteram nuptam Conrado Masaviæ alteram Simeoni
Scluciæ Ducibus, in matrimonium datam. Junxerat tha-
lamo ILLUSTRISSIMAM ANNAM MONVIDII M.D.L. FIL-
IAM GEDEMINI NEPTEM.

TRITAVUM in pompam Ducit MAGNUS BO-
GUSLAUS attestantibus id vel triginta & amplius
M.SS. Russicis, HOSTICUM dictum MARESCHAL-
CUM, SUMMUM MILITIÆ M.D.L. PRÆFECTUM
ATQVE VILNENSIS URBIS CAPITANEUM
MAGNIFICUM, qui primus duarum Poloniæ & Lit-
phanicæ Gentium foedera probavit & subscri-
ptione robur addidit. Traductum autem ex gentilitiis
tenebris S. Sanctum suscipiens cum Jagellone Baptismû,
nomen

nomen exiit, Christini ut alii ferunt Nicolai nomen sibi
approprians.

Atq; quidem in promptu nunc esset nobis, in li-
neam Antiquissimam prolixius excurrere, ducere in
pompam, Sirputos, Ursillos, Lideicones celebratos in
fide dignissimis Russorum monumentis prosapiæ RAD-
ZIVILIANÆ autores, undiquaq; Clarissimos. Moliri
possemus, secuti Stricovium Miechovium aliosq; in
Palæmonem, Columnas Ursinos, Rosas, cum aliis ex Ro-
manâ pube Nobilissimis, forte Livoniam appulso fixaq;
in Litphaniâ sede Capita Illustris familiæ existentes. Sed
metuendum ne idem nobis obtingat, quod Nili scruta-
toribus, qui Vastum, quidem Flumen, terris suis exun-
datione, proficuum in oculis habent, vanè tamen scatu-
riginem scrutantur. Tantus ex Paterno stemmate HE-
ROS noster est, sed diffusior in Natalium gloriam, si
MATERNVM excutias. Ex hoc enim habet, quod san-
gvine, quod Necessitudine, cum plerisq; Germaniæ Prin-
cipibus, cum Imperatoribus, cum Regibus sit conjun-
ctissimus. Verbo, quousq; se ambitu suo Brandenbur-
gicus & Anhaltinus sangvis & agnationes diffundunt,
eo se traducit & porrigit Noster HEROS; hoc est Sere-
nissimæ Matris beneficio, ex septem Electoribus Bran-
denburgicis, ex Anhaltinus Principissis, Tot Regum
sangvinem habet. Effunderemus nos latius in Regum
& principale illud ab utroq; latere stemma nisi glaciem,
fregissent alii vel potius abundè hæc deduxissent, in tot
tabulis, arboretis, historiis, nos in Schemate damus
Domus, Majores Maternos.

AVUM MATERNUM habuit SERENISSIMUM
ATQVE POTENTISSIMUM PRINCIPEM AC DO-
MINVM, DOMINVM JOHANNEM GEORGIVM,
ELECTOREM BRANDENBURGICUM, cujus in-

ter alias Uxor, HEROIS nostri AVIA, ELISABETHA ANHALTINA, JOACHIMI ERNESTI, PRINCIPIS, SVÆ ÆTATIS PRÆPOTENTIS ET COGNATIONIBUS FERE OMNIUM PRINCIPUM PLURIMORUMQUE REGUM INNEXI FILIA.

PROAVO gloriatur, SERENISSIMO ATQVE POTENTISSIMO PRINCIPE AC DOMINO, DOMINO JOACHIMO II. ELECTORE BRANDENBURGICO, cujus Uxor, GEORGII BARBATI, DV-CIS SAXONIÆ, quæ nostri HEROIS PROAVIA est, Filia.

ABAVO gaudet SERENISSIMO ET POTENTISSIMO PRINCIPE AC DOMINO, DOMINO JOACHIMO PRIMO, ELECTORE BRANDENBURGICO qui in thalamis habuit ELISABETHAM, JOHANNIS REGIS DANIÆ ET NORWEGIÆ FILIAM NOSTRI ABAVIAM.

ATAVUM in pompam Ducit SERENISSIMUM ATQVE POTENTISSIMUM PRINCIPEM AC DOMINUM, DOMINUM JOHANNEM ELECTOREM BRANDENBURGICUM, qui ob Suadam & admirabilem Eloquentiam, Cicero Germanicus ex Merito est nuncupatus, cujus faciebat Matrimonium MARGARETHA, Filia WILHELMI DVCIS SAXONIÆ, MARCHIONIS MISNIÆ, NOSTRI ATAVIA.

EXTRITAVO, oritur SERENISSIMO ATQVE POTENTISSIMO PRINCIPE AC DOMINO, DOMINO ALBERTO, cujus fortitudini, cum nullum responderet nomen ex priscis seculis, illi Achillis indiderunt Germanici: qui TRITAVIAM NOSTRI in Conjugem habuit MARGARETHAM, JACOBI MARCHIONIS BADENSIS Filiam.

In

In hanc Majorum Claritudinem, tantosque penates novum semper ex Virtute intulit decus. Jam inter cunas spirabat altius, & vix sex Mensium homo, in Eqvo ex jussu Patris fessor, Mavortia signa dedit. Sed in mitiori deinceps ætate, HEROS mitioribus incubuit studiis, ut olim sagatum decus togato fieret Illustrius. Cum cura pietatis non tantum lac sed ipsum fidei robur sumpsit, & Coadjuni Vilnæque, Masculis artibus Princeps suum pectus imbuat. Firmato ita per literas animo, HEROS noster, non diu apud suos hæsit, sed (vasu ILLUSTRIS- SIMI SUI PATRUI ACTUTORIS, DOMINI CHRISTOPHORI RADZIVILII, Palatini Vilnensis & summi Exercituum M. D. L. Præfecti alias adiit alio sole calentes terras. Flagrabat ibi tum Vniuersa fere Europa Bellonæ incendiis bella, prælia, conflictus, infestæ acies undiq; concurrebant. Horum spectaculis peregrinator commodabat oculus, lustrabat in viâ militē Svecicum, sub Vrangelio stipendia merentem, oppositum Imperatoris sub Galefone in Germaniâ Exercitum, non vidit tantum, visum sed ordinem, ductum, Castrorum species, in Martium animum prorsus admisit. Sed substitit paulo in Bataviâ, Sophiæ nobilioris partes tractavit curatius, in hærens cum primis illis Mathematicum portionibus, quæ viam præeunt & methodum, firmandi urbes & rursus feliciter eas expugnandi. Sed excusso Scholarum pulvere alas extulit altius, volavit Aquila Generosa in Galliam atq; habitus in sinu & familiaritate Ludovici XIII. Regis, inspectisq; Gentis hujus ritibus, legibus, Urbibus & Provinciis præcipuis, in Angliam solvit, inter præcipuas Aulæ delicias à Carolo Rege humanissimè acceptus & habitus. Verum Molles Aulæ illius cupedia non tenebant diu Heroem Mavortium, invitabant tympana, litui, tormenta, Catapultæ, Ballistæ, Strenuum de præliatore in Bataviam evocabant, quæ illa tempestate verè

D

Mar-

Martis Schola erat atq; area Hic quamegregiam operam
navaverit Frederico Henrico, Fortissimo Principi, quot
cruentis praeliis, quod expeditionibus, castrorum, urbi-
um, fortaliorum expugnationibus interfuerit, saepius
prae fuerit, haec pagina non capit. Interea cogitur in Patri-
am morte Illustrissimi sui tutoris accepta, firmat res suas;
atq; postquam mentes aliquot, non tam in Aulâ, quam
pectore Magni Regis Vladislai IV. fuerat commoratus,
ejus ex consilio denuo abit in Galliam. Non poterat ta-
men, quin ex diverticulo, in Martis scenam Bataviam de-
flecteret, versareturq; inter hostiles orbitas, gladiatorum
stricturas, tormentorumq; flammâs. Sine flammis sine
vita est Salamander; ita Heroicus animus se habet extra
Bellum. Sed venit in illa Castra eo successu, ut ex uno cui
præerat conflictu, aliquot centena Hispanorum Capti-
vorum Duci suo Auriaco triumphans ostentaret. Venit
Año 1642 in Galliam, Pompaticæ Funeratiōi Ludovici
XIII. Regis atq; Cardinalis Richelii interfuit, amantissi-
mus Reginae Viduæ atq; Cardinali Mazarino, qui Revo-
cato Heroi à Johanne Casimiro, post fata Germani Vladi-
slai IV. in Regem Electo, Generalatū ut vocant in omnes
legiones exoticas obtulerunt; quod repetierunt A. 1648
per Ducem d' Arpajou Legatum in Poloniam Magnifi-
cum, Sed Patriæ periclitantis in bello Cosacico amor, re-
duxit. Equum ut terræ impendamus spiritum, quæ spi-
ritum dedit. Itaq; inter est Coronationi Novi Regis in
splendidissimâ pompâ & principali prorsus apparatu,
atq; A. 1649. Legionibus Germanicis Generalis præfici-
tur, decoratus in Patria dignitate, quam repudiaverat
apud exteros Sed pactæ induciæ cum Chamo Tartarico
& Chmielnicio; unde fere integrum annum, in Regia
commoratus specimen Magnifici Animi, Magnificum
illud & verè Regium Palatium Staroviezy XII. milliari-
bus Varſavia distans opere prorsus Italico excitavit. Facti
denuo

denuo Rebelles Cosaci: Scribit Heros suo ære militem:
Roborat Polonica castra & tuetur. Non comprehendit
hæ lineæ, illa fortitudinis miracula atq; stuporem faci-
norum, quæ præstitit; sed dicet Orator noster, cum pri-
mis quam parvâ manu, Ingentem Cosacorum Molem,
A. 1651. d. 12 Julii sustinuerit. Junxit dehinc suum Exerci-
tum Polonis tendensq; Kamienicium X. Millibus Tarta-
rorum ex improviso obruitur, sed ferro sed tutore DEO,
Barbaris manibus est Elapsus, ut suum servaret Regem.
Quippe Zwanecium se conferens, deprehendit arctissi-
mâ obsidione cinctum Regem; & præcila fuisset spes o-
mnis elabendi, nisi ex fortuitis literis, Generalis Tartari-
ci Sefer Gazy Aga, Cum Polonis se pacisci velle signifi-
cantis, integrum Negotium Regi exposuisset: verè illius
Angelus atq; eductor. Varſaviæ in Comitibus A. 1654. po-
stulatus à subditis Palatinatus Potocensis officium detre-
ctat, persecuturus potius Moscum longè lateq; patriam
depopulaturum. Movet Exercitum prope Bychoviam
ad Borysthenem, atq; Vicariâ manu, decumbebat enim
M. D. L. Exercituum Præfectus Janussius II. nostri Pa-
truelis arcem Bychoviensem Anno 1655. strenuè op-
pugnat. Interea Hannibal Gotticus, totam milite Polo-
niam inundabat, pulsus Regno Rex exulabat in Silesia,
dederant se omnes, solus noster cum exercitu superabat,
atq; parvo Milite frustra omnia moliturus ex necessitate
Castra Svecica sequitur; nequaquam tamen amorem in
Regem & Patriam exuit, quod clare probavit quando in
Prælio Varſaviensi, in phalangem dextram, quam Rex no-
bilitabat militē adducere jussus est, respondit se adversus
Regē suum manus non levaturum; quin post reportatā
Victoriam, sistendū Gentilitium sanguinem, condescen-
dendumq; in Pacem cum Polonis Regi Sveciæ suavit. Sed
qui toties præsentissima inter discrimina fuerat servatus,
incidit tamen in fortunæ manus. Sistit fortiter imperum
D. 2. Tar-

Tartarorum in Prussiam, prope urbem Lyck, sed parvâ manu vix resistit; derelictusq; â parato subsidio, mox â suis omnibus, cadente etiam ex plumbeo globulo inter tibias, equo, graviq; capitis vulnere saucius Præda fit Barbarorum. Ligatur loris, ephippio adstringitur, misere trahitur, sed ex facie Hosti nequaquam notus traditur Gonscievio Generali Exercituum Præfecto; sed sparsâ fama Radzivilium fuisse, repostulatur per tumultum, atq; vix Magnâ pecuniæ vi redemptus ILLUSTRISSIMO AC CELSISSIMO PRINCIPI, DOMINO MICHAELI RADZIVILIO redditur, cuius & fide, dexteritate, tutelâ, ope, non tamen sine provida sui Numinis curâ, suis præter omnem spem, A. 1656. est restitutus. Excludit hæc Angustia stupenda illius in bello Polono-Sveco-Moscovitico, in eliberandis fortalitiis, Libaviæ in Courlandiâ, Plurium in Borusfiâ ac præprimis Vilnæ patrata: quæ in recenti & hærent memoriâ omnium, atq; jam profunditati temporum sunt transmissa. Tot facinora, tot prælia, tot pro R. P. matura Consilia, tandem illum fecerunt Gubernatorem universæ, Borusfiæ. Hic erat: Communis utilitatis amator; privatæ oblitus: Vivebat extra suam Patriam, sed in Borusfiâ sua omnia, fortunam, opes, vitam sanguinem impendebat velut in Patriam alteram: In laboribus patiens; adversus mollia durus; In periculis firmus, in arduis fidēs; In gerendis magnanimus; in gestis modestus; in adversis constans; in secundis tēperatus; in utrisq; idem; in omnibus invictus. Extremum A. 1669. d. 28. Decembr. de motu rumor sollicitum pro suâ Borusfiâ Principem excivit; deliberaverat de necessariis cum Illustrissimo Pomeraniæ Palatino, sed redux Regiomontum fatali Catharro exstinguitur. Quæ omnia diffusius expositurus est Orator noster, futuro die Jovis, Hora 9. in Auditorio Majori; Quare ut Cives nostri Magni Principis exequiis die 6. Maji: frequētes adsint, dictaq; die Domini nostri Mœcenates Fautores & Amici Panegyryn frequentent Oramus. P. P. Anno 1670. 6. Maji.



Me 9430(1-13)

SLB.4.10.40.U

